


Módi ki bu ta Utiliza Es Kit di Naloxone



Faze kel Xamada.

Sta Priparadu pa Djuda

Na Rhode Island, Lei di Bon Samaritanu ta pruteje-bu di bai kadia óra ki bu djuda algen ki bu atxa ma sa ta ten un overdózi. Kel lei tanbe ta da pruteson pa kel algen ki tiver overdózi.

Bu pode sálva un vida .

Rikursus Adisional:

Si bo ô algen ki bu kre txeu sa ta pasan pa un krizi di uzu di substánsias ô di saúdi mental, ten rikursus 24 óra pa dia, 7 dia pa simana pa djuda.

Txoma ou manda mensaji pa **988** ô fala na [988lifeline.org](https://www.988lifeline.org) [988lifeline.org] pa konekta ku un orientador di krizi formadu ô bai na Séntru di Triaji di BH Link, na 975 Waterman Ave. na East Providence. Hablamos español

Vizita [PreventOverdoseRI.org](https://www.PreventOverdoseRI.org) pa informason sobri sirvisus lokal di apoiu pa riduson di danus, trataméntu y rikuperason.

Fika ta Konxe Naloxone

Módi ki N ta sabe si N debe uza naloxone?

Si bu atxa ma algen sa ta ten un overdózi di opioidis, ka ta faze mal si bu da-l naloxone.

El ka ta riverte ifeitus di otus tipu di dróga sima alkol, xizalina ô stimulantis sima kokaína.

Naloxone pode ser prijudisial?

Ifeitus sikundáriu gravi di naloxone é mutu raru.

Ifeitu sikundáriu más kumun é abstinénsia di opioidis, pamódi naloxone ta invertir ifeitus di opioidis. Sintomas kumun di abstinénsia di opioidis ta inklui dor, iritabilidadi, sua txeu, naris ta pinga, diareia, náuzia, y vómitu.

Si bu atxa ma algen sa ta ten un overdózi, da-l naloxone. Pode salva-l di lezon serebral y mésmu di mórti.

Undi ki N ta atxa naloxone?

Bu pode kunpra un kit n-un farmásia lokal sén riseita, má pode ten un kó-pagaméntu, dipendendu di bu seguru. Pa sabe más, vizita [preventoverdoseri.org/get-naloxone](https://www.preventoverdoseri.org/get-naloxone)

Intende Overdózi

Módi ki N ta sabe si é un overdózi?

Pa invertir un overdózi, bu ten ki sabe el é módi.

Djobe kes sinal li:

**Pupilas pikinóti y
pontiajudu**



**Rispirason léntu
y fraku**



**Inkonsiénsia y/ô sta
sen rispósta**



Si algen tiver un overdózi di opioidis y el dadu naloxone, el debe korda déntu di dos a três minutu.

Si el ka korda na três minutu ô el fika inkonsienti dipos di 30 - 90 minutu, da-l más un dózi di naloxone. Fika ku el ti ki ajuda txiga.

**PREVENT
OVERDOSE RI**

Módi ki bu ta Riaji a un Overdózi

1

Tenta korda kel algen



Txoma-l pa se nómi y sfrega-l na meu di petu ku mon fitxadu.

2

Txoma pa 911



Rhode Island Good Samaritan Law (Lei di Bon Samaritanu di Rhode Island) ta oferese un sértu proteson juridiku óras ki bu txoma pa 911 óras ki un algen sofre un overdózi, si bu tene dróga ku bo ô nau.

- Da lokalizacion izátu di midjor fórma ki bu konsigi.
- Fla si kel algen sta konsienti (kordádu) ô nau.
- Fla si respirason di kel algen branda ô pára.

3

Da-l naloksona

(Na rótulu pode sta "Narcan.")



Sigi orientason di kits di naloksona nazal ô instramuskular. Efeitu di naloksona normalmenti ta para dentu di 30 a 90 minotu.

4

Apoi u respiratóriu



- Si kel algen volta respira di nóvu, mas inda el stiver sedádu, el ka meste dadu más naloksona. Si kel algen ka sta ta respira, rializa respirason di risgáti y kumesa faze CPR (RKP- risusitason kardiopulmunar) konfórmi 911 orientá-bu.
- Kalka na si petu ku forsa y di fórma rápidu na rítimu di múzika "Stayin' Alive".
- Sta preparadu pa da-l un sigundu dózi di naloksona.
- Kazu kel algen inda ka volta respira dispôs di 2-3 minotu, da-l un sigundu dózi di naloksona.

5

Puzison di rikuperason



Bira kel algen di ladu na puzison di rikuperason ku se korpu apoiádu na un djuedju dobrádu. Kela ta djuda-l mante vias respiratóriu abértu y ka bu dexa-l foga kazu el vumita.

PREVENT OVERDOSE RI 

